

الحق

وتاه الحق..

ما بين الآه

وبين الأ

وبين كلمة بتدحرج

على لساني

ماهيش عايزاني أنطقها

وبين كلمة تنطقتي وانطقها

ومش طيقاني طقاطيقها

ولا بأطيقها ..

في ساعة لما أطوقها

وتطوقني
عجوزة وشائلة قفتها
على راسها
بتأوه وبتداری
في أنفاسها
وطفل صغير يحمل
عنها فاسها
ملاحها شبيهة
بالأرض البور
في عز العتمة
تلقاها صبية
من بنات الحور
بقالها سنين
تنادي للشباب يثور

شباب منفوخ
على الفاضي
ماهوش فاضي
ولا راضي
يشقلها طريق للنور
شباب مغرور
تقوله شمال يجيك يمين
وتنصح مهما تنصح فيه
تلاقي عينيه تطخ شرار
ويغضب والغضب يعميه
ويشعل النيران في الدار
وتدعي لع بحرقة ونار
وتدعي ربنا يهديه
شباب ثاني

شباب فاهم وزى الورد
يحب الاعتماد ع الذات
في قدراته ماتلقى حد
بيصنع م الفسيخ شربات
شباب حابب بلاده بجد
بدون هتافات ولا شعارات
يحب النيل يحب السد
يحب بلاده تبقى عمار
وخيره للجميع يمتد
ويملى الدنيا والاقطار